

Kadasi nnyɔ su bo
 YOHANE
 akɛɛ i ni

¹ Mini bo m ti am kpiɛn ni, sukɛɛ ahin jɔɛ n fa ma wɔɔ bara bo Nyɛmɛ ayi u, ni u nbaam n a. M koro am nahɔɛ su, má mini ngumi koro am a, ama, bo bu si nahɔɛ atin n kɛɛ koro am wɔ, ² dama nahɔɛ n wo ya dɔ ɔ, na i bá wo ya dɔ ɔ, sanɔa kɛɛ bo i la má awieeri.

³ Ya Si Nyɛmɛ, ni i Wa Yesu Kristo buka ya, na bu si ya aɲunfɔ, na bu ma ya ahoreda, na ya su nahɔɛ atin su ni koro.

Am koro am beɲgu na am si am ɲu sa ni dadakafɔm ni

⁴ Ma ɲu ka am nbaam nbem bita nahɔɛ n kabo ya Si Nyɛmɛ afa i nɔaniɛ n ama ya ni, nyini dɛɛ ti, wɔ yo m fiɛ agaya. ⁵ Kisa, bara, m susere am wɔ, ka am ma ya koro ya beɲgu. Ahin ti má nɔaniɛ maawa fɔfɔɛ ye m sukɛɛ ma am n a, ama, i ti nɔaniɛ maawa kun n bo ya tiiri i sanɔa bo ya boori i bu suuri Yesu su n wɔ. ⁶ Koro n bo m sujɔɔ i jɔɛ n la ka, ya wo kabo Nyɛmɛ nɔaniɛ maawa n kere ni. Nɔaniɛ maawa n bo am du mɔ tiiri i n la ka, am koro am beɲgu.

⁷ Dadakafɔm beberebe asandi abara ayɛ durunya n nu, bu ɲa Yesu Kristo akaaki má adamande aba má durunya n nu. Bɛɛ ti dadakafɔm wɔ, na bu ti Kristo kpɔfɔm. ⁸ Nyini ti, am si am ɲu sa, na má deke n bo ya yi anyumboro afa akere am n ka ɲgbɛɛn, ama, na am ba nya i kɛɛ ɲkatɔ. ⁹ Sɔnɔ kɛɛ bo i su má Kristo dɛɛ kereewa n su, na i kere i dɛɛ kereewa kɔ sin nyini ɲu, Nyɛmɛ wo má i mi dɔ, ama, sɔnɔ kɛɛ bo i su Kristo dɛɛ kereewa n su, ya Si Nyɛmɛ, ni i Wa n wo i mi n dɔ lɛɛ. ¹⁰ Nyini ti, sɔnɔ kɛɛ bo i baari

am dɔ, na i bita má Kristo dɛɛ kereewa ni, má am ma i mi wura am dika, má am yo i anse ni ba mmɔɔ. ¹¹ Dama wɔɔ kɛɛ bo a yoori nyinim be sɔ anse, a jina i mi sin fa kɔ i satiɛm n bo i yo bu n su wɔ lɛɛ.

Awieeri su dɛɛ jɔɛ ni

¹² Má m la jɔɛ beberebe bo má m se am, ama, m koro má ka m kɛɛ i kɛɛ wura ahin kadasi n nu, ama, m la tama ka m bá niɛ am busu, na ya ɲú ya ɲu, na ya bó anzama, bo ya ahore jɔ ni nahɔɛ su.

¹³ U niɛmabara n bo Nyɛmɛ ayi i ni i nbaam kɛɛ bo bu wo fɛn n bisa am kɛɛ dɔɲgu.

Nyeme Jore Kadas
The New Testament in Anufo (Chokosi)

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 14 Jun 2022 from source files dated 21 May 2021

fe36d0e6-2a60-5e15-8d1c-8bf275389598